



ԳԴՆ/0090/01/23  
(ՀԿԴ/0051/01/24)

## Ո Ր Ո Շ ՈՒ Մ

ՎԱՐՈՒՅԹԻ ԱՌԱՐԿԱՅԱԿԱՆ ԸՆԴԴԱՏՈՒԹՅԱՆ ՀԱՐՑԸ ԼՈՒԾԵԼՈՒ ՄԱՍԻՆ

15 ապրիլի 2024 թվական

ք.Երևան

ՀՀ Վճռաբեկ դատարանի նախագահ Լիլիթ Թադևոսյանս, ՀՀ Վճռաբեկ դատարանի քրեական պալատի նախագահ Համլետ Ասատրյանս, ՀՀ Վճռաբեկ դատարանի հակակոռուպցիոն պալատի նախագահ Արթուր Դավթյանս, ուսումնասիրելով թիվ քրեական վարույթի ընդդատության հարցը լուծելու համար ՀՀ Վճռաբեկ դատարանի նախագահին ուղարկելու մասին Հակակոռուպցիոն դատարանի՝ 2024 թվականի մարտի 29-ի որոշումը,

## Պ Ա Ր Զ Ե Ց Ի Ն Ք

### **Վարույթի դատավարական նախապատմությունը.**

1. 2023 թվականի դեկտեմբերի 29-ին Գեղարքունիքի մարզի առաջին ատյանի ընդհանուր իրավասության դատարանում ստացվել է Արտյոմ Հովհաննեսի Շահնագարյանի վերաբերյալ 2003 թվականի ապրիլի 18-ին ընդունված ՀՀ քրեական օրենսգրքի 327-րդ հոդվածի 2-րդ մասի 2-րդ կետով թիվ 90666123 (ԳԴՆ/0090/01/23) քրեական վարույթը:

1.1. Գեղարքունիքի մարզի առաջին ատյանի ընդհանուր իրավասության դատարանը 2024 թվականի հունվարի 9-ին որոշում է կայացրել թիվ ԳԴՆ/0090/01/23 քրեական վարույթը ստանձնելու և 2024 թվականի հունվարի 22-ին նախնական դատալսումներ նշանակելու մասին:

1.2. Գեղարքունիքի մարզի առաջին ատյանի ընդհանուր իրավասության դատարանը 2024 թվականի մարտի 12-ին որոշում է կայացրել թիվ ԳԴ1/0090/01/23 քրեական վարույթն ըստ առարկայական ընդդատության Հակակոուպցիոն դատարան ուղարկելու մասին:

3. Հակակոուպցիոն դատարանը 2024 թվականի մարտի 29-ին որոշում է կայացրել թիվ ՀԿԴ/0051/01/24 (ԳԴ1/0090/01/23) քրեական վարույթը Վճռաբեկ դատարանի նախագահին ուղարկելու մասին՝ ընդդատության հարցը լուծելու համար:

4. Քրեական վարույթը Վճռաբեկ դատարանում ստացվել է 2024 թվականի ապրիլի 4-ին:

**Ընդդատության հարցը լուծելու համար էական նշանակություն ունեցող փաստական հանգամանքները.**

5. 2023 թվականի սեպտեմբերի 29-ի որոշմամբ Արտյոն Հովհաննեսի Շահնագարյանի նկատմամբ 2003 թվականի ապրիլի 18-ին ընդունված ՀՀ քրեական օրենսգրքի 327-րդ հոդվածի 2-րդ մասի 2-րդ կետով հանրային քրեական հետապնդում է հարուցվել հանրորեն վտանգավոր այն արարքի համար, որ *«նա հանդիսանալով 2017թ. ձմեռային զորակոչին ենթակա զորակոչիկ, ցանկանալով խաբեությանը ազարվել պարտադիր ժամկետային զինվորական ծառայությունից, 2017 թվականի ձմեռային զորակոչից սկսած խաբեության եղանակով՝ այլ անձի մեզի նմուշ ներկայացնելով, նշված զորակոչից սկսած սրացել է փարկերումներ՝ 31.01.2018 թվականին «Իզոլացված միզային համահարանիչ, պրոտենիորիա» ախտորոշմամբ՝ 5 ամիս ժամկետով, 23.07.2018թ.-ին՝ «Միզային համահարանիչ, պրոտենիորիա» ախտորոշմամբ՝ 10 ամիս ժամկետով, 06.07.2019թ.-ին՝ «Պրոտենիորիա, էրիթրոցիտորիա» ախտորոշմամբ՝ 10 ամիս ժամկետով, 24.01.2020թ.-ին՝ «Պրոտենիորիա, հեմալորիա» ախտորոշմամբ՝ 5 ամիս ժամկետով, 13.08.2020թ.-ին՝ «Հեմալորիա, Պրոտենիորիա» ախտորոշմամբ՝ 5 ամիս ժամկետով, իսկ*

29.12.2021թ.-ին «Իզոլացված հեմարտորի» ախտորոշումով ճանաչվել է ոչ պիտանի զինվորական ծառայության համար ու հաշվառվել է պահեստագոր (...)<sup>1</sup>:

6. Գեղարքունիքի մարզի առաջին ատյանի ընդհանուր իրավասության դատարանը 2024 թվականի մարտի 12-ի որոշմամբ արձանագրել է հետևյալը. «(...) Դատարանը գտնում է, որ ՀՀ քրեական դատավարության օրենսգրքի 10-րդ հոդվածի կանոնի կիրառմամբ գործից մաս անջարելու և առանձին քննելու դրույթը սերտ փոխկապված է ՀՀ քրեական դատավարության օրենսդրության մի շարք հիմնարար դրույթների հետ, մասնավորապես՝ անմեղության կանխավարկածի սկզբունքի, մեղադրյալի պաշտպանության իրավունքի, *res judicata* (իրավական որոշակիության) և *non bis in idem* (կրկին դատվելու անթույլատրելիության) սկզբունքների, մեղադրանքի կառուցվածքին և մեղադրական եզրակացությանը ներկայացվող պահանջների, դատական քննության առարկայի և սահմանների և դրանով պայմանավորված դատավճիռ կայացնելիս լուծման ենթակա հարցերի հետ, ուստի յուրաքանչյուր դեպքում մեկ կամ մի քանի հանցագործությունների կատարմանը մասնակից անձանց նկատմամբ քրեական գործից մաս անջարելու մասին որոշում կայացնելիս պետք է հաշվի առնել այդ դրույթների պահանջները և, որպեսզի չխախտվեն դրանք և դրանով պայմանավորված չվրանգվի դատավարության արդարացիությունը:

(...) Վերոգրյալ չափանիշների լույսի ներքո անդրադառնալով սույն գործին՝ Դատարանն արձանագրում է, որ 2023 թվականի մայիսի 13-ին ՀՀ ՔԿ ԶԲԳՎ հինգերորդ կայագրային քննչական բաժնի ՀԿԳ քննիչ Ս.Միխայրյանը թիվ 58219919 քրեական վարույթից ՀՀ քրեական դատավարության օրենսգրքի 10-րդ հոդվածի կարգով Արտյուն Հովհաննեսի Շահնազարյանի կողմից պարտադիր ժամկետային զինվորական ծառայությունից խուսափելու մասով քրեական վարույթը՝ վերջինի կողմից ՀՀ տարածքից բացակայելու հիմքով անջարելիս, վարույթին թիվ 90666123 համարը շնորհելիս, իսկ թիվ 58219919 քրեական վարույթով 15.05.2023 թվականին մեղադրական եզրակացություն կազմելիս և 19.05.2023 թվականին հանրային մեղադրողի կողմից թիվ 58219919 քրեական վարույթը ՀՀ հակակոռուպցիոն քրեական դատարան մուտք անելիս, որին շնորհվել է թիվ

<sup>1</sup> Տե՛ս քրեական վարույթ, հատոր 2, թերթեր 19-20:

ՀԿԲ2/0015/01/23 համարը, իսկ թիվ 90666123 քրեական վարույթը 2023 թվականի դեկտեմբերի 29-ին ՀՀ Գեղարքունիքի մարզի առաջին արյանի ընդհանուր իրավասության դատարան մուտք անելիս, որին շնորհվել է թիվ ԳԴ1/0090/01/23 համարը, պետք է ուշադրություն դարձնելին այն հանգամանքին, թե արդյոք դատարանները հնարավորություն կունենան իրականացնելու օբյեկտիվ, լրիվ և բազմակողմանի քննություն, արդյոք առաձին մեղադրյալներին առաջադրված մեղադրանքների կապակցությամբ հնարավոր կլինի կայացնել օրինական, հիմնավորված և պարճառաբանված դատավճիռ՝ հաշվի առնելով, որ երկու գործերը փաստական հանգամանքներով, սպացուցողական զանգվածով կապված են միմյանց հետ, ինչպես նաև պետք է հաշվի առնելին այն, թե արդյոք դատարանի գործունեության արդյունքում չի վրանգվի առանձին քննվող գործով դատարանի անկախությունն ու անկողմնակալությունն՝ արդեն իսկ կայացված դատավճիռի նախատարելիության (փաստացի) պարճառով, չեն կայացվի իրար հակասող դատավճիռներ և դրանով իսկ վրանգվի օրենքի և դատարանի առջև հավասարության սկզբունքը:

Դատարանը հարկ է համարում արձանագրել, որ Արտյոմ Հովհաննեսի Շահնազարյանին մեղադրանք է առաջադրվել թիվ 58219919 քրեական վարույթից անջատված թիվ 90666123 քրեական վարույթի շրջանակներում. թիվ 58219919 քրեական վարույթը 19.07.2019 թվականին հարուցվել է պաշտոնատար անձանց կողմից առանձնապես խոշոր չափերով կաշառք սրանալու, առանձնապես խոշոր չափերով կաշառք փախու, իրավունք վերապահող ակնհայտ կեղծ փաստաթուղթ պատրաստելու, իրացնելու և օգտագործելու դեպքերով: Թեև Արտյոմ Հովհաննեսի Շահնազարյանին 2003 թվականի ապրիլի 18-ին ընդունված ՀՀ քրեական օրենսգրքի 327-րդ հոդվածի 2-րդ մասի 2-րդ կետով առաջադրված մեղադրանքը ընդգրկված չէ Հայաստանի Հանրապետության քրեական օրենսգրքի հավելված N 1-ով նախատեսված կոռուպցիոն հանցանքների շարքում, սակայն նրան առաջադրված մեղադրանքը փաստական հանգամանքներով ուղղակիորեն կապված է ՀՀ հակակոռուպցիոն քրեական դատարանում քննվող թիվ ՀԿԲ2/0015/01/23 քրեական գործի և հարկապես մեղադրյալներ Քնարիկ Վոլոդյայի Սուքիասյանին և Անժիկ

Քառնիկի Արքահամլանին (Արդյուն Հովհաննեսի Շահնազարյանի մայրը) առաջադրված մեղադրանքների հետ:

Դատարանը գրնում է, որ պարզաճ և համակողմանի քննություն ապահովելու նպատակով, ելնելով արդարադատության շահից, մեղադրյալ Արդյուն Հովհաննեսի Շահնազարյանի քրեական գործը պետք է միացվի մեղադրյալներ Քնարիկ Սուքիասյանի, Կարինե Սաֆարյանի, Անժիկ Արքահամլանի, Լիանա Այվազյանի, Աննա Ֆահրադյանի, Հովհաննես Մահլամյանի և Մարատ Գևորգյանի վերաբերյալ ՀՀ հակակոռուպցիոն քրեական դատարանում քննվող թիվ ՀԿԴ2/0015/01/23 քրեական վարույթին, քանի որ դրանք փաստական հանգամանքներով փոխկապված են մեկը մյուսի հետ և կազմում են մեկ ամբողջություն: Ընդ որում, եթե Արդյուն Հովհաննեսի Շահնազարյանի վերաբերյալ քրեական վարույթը չանջարվեր թիվ 58219919 քրեական վարույթից՝ Ա.Շահնազարյանի կողմից ՀՀ փարածքից բացակայելու հիմքով, ապա Արդյուն Հովհաննեսի Շահնազարյանի վերաբերյալ քրեական վարույթը քննվելու էր ՀՀ հակակոռուպցիոն քրեական դատարանում՝ թիվ ՀԿԴ2/0015/01/23 քրեական վարույթի շրջանակներում, ինչպես Մարատ Մելիքի Գևորգյանին, ում մեղադրանք է առաջադրվել 2003 թվականի ապրիլի 18-ին ընդունված ՀՀ քրեական օրենսգրքի 34-327-րդ հոդվածի 2-րդ մասի 2-րդ կետով:

Հարկ է նաև փաստել, որ ՀՀ քրեական դատավարության օրենսգրքի 10-րդ հոդվածի 1-ին մասի 4-րդ կետը կարգավորում է նույն դատարանի մեկից ավելի դատավորների մոտ գրնվող վարույթները միացնելու հարցը, սակայն ՀՀ քրեական դատավարության օրենսգրքով առկա չէ որևէ կարգավորում, թե ինչ ընթացակարգով են միացվում փարբեր դատարանների վարույթներում գրնվող քրեական գործերը: Դատարանը գրնում է, որ նշված հարցը ենթակա է քննարկման առարկայական ընդդատության կանոնների համարեքսում, քանի որ փաստ է, որ Արդյուն Հովհաննեսի Շահնազարյանի վերաբերյալ քրեական գործը ՀՀ հակակոռուպցիոն քրեական դատարանում քննվող թիվ ՀԿԴ2/0015/01/23 քրեական վարույթի մասն է կազմում:

Այսպիսով Դատարանն արձանագրում է, որ փաստական հանգամանքներով կապված ենթադրյալ հանցանքների վերաբերյալ վարույթներն անջարելն ի սկզբանե թելադրված չի եղել արդարադատության շահի պաշտպանության

անհրաժեշտությամբ և կարող է բացասաբար անդրադառնալ վարույթների արդարացիության վրա՝ առաջացնելով սույն որոշման 3.7-րդ կետում նշված բացասական հետևանքները:

Հաշվի առնելով վերոգրյալը Դատարանը գտնում է, որ թիվ ԳԴ1/0090/01/23 քրեական վարույթն ըստ առարկայական ընդհանրության պետք է ուղարկել ՀՀ հակակոռուպցիոն քրեական դատարան՝ թիվ ՀԿԴ2/0015/01/23 քրեական վարույթի հետ համարեղ քննելու նպատակով (...)<sup>2</sup>:

7. Հակակոռուպցիոն դատարանը 2024 թվականի մարտի 29-ի որոշմամբ արձանագրել է հետևյալը. «(...) [Դ]ատարանն արձանագրում է, որ թիվ 90666123 քրեական վարույթով Արտյոմ Հովհաննեսի Շահնազարյանին 2003 թվականի ապրիլի 18-ին ընդունված ՀՀ քրեական օրենսգրքի 327-րդ հոդվածի 2-րդ մասի 2-րդ կետով մեղադրանք է ներկայացվել այն բանի համար, որ նա, հանդիսանալով 2017թ. ձմեռային զորակոչին ենթակա զորակոչիկ, ցանկանալով խաբեությամբ ազատվել պարտադիր ժամկետային զինվորական ծառայությունից, 2017 թվականի ձմեռային զորակոչից սկսած խաբեության եղանակով՝ այլ անձի մեզի նմուշ ներկայացնելով, նշված զորակոչից սկսած սրացել է փարկեպումներ՝ 31.01.2018 թվականին «Իզոլացված միզային համախտանիշ, պրոպենիտորիա» ախտորոշմամբ 5 ամիս ժամկետով, 23.07.2018թ.-ին՝ «Միզային համախտանիշ, պրոպենիտորիա» ախտորոշմամբ՝ 10 ամիս ժամկետով, 06.07.2019թ.-ին՝ «Պրոպենիտորիա, էրիթրոցիտորիա» ախտորոշմամբ՝ 10 ամիս ժամկետով, 24.01.2020թ.-ին՝ «Պրոպենիտորիա, հեմատորիա» ախտորոշմամբ՝ 5 ամիս ժամկետով, 13.08.2020թ.-ին՝ «Հեմատորիա, Պրոպենիտորիա» ախտորոշմամբ՝ 5 ամիս ժամկետով, իսկ 29.12.2021թ.-ին «Իզոլացված հեմատորիա» ախտորոշումով ճանաչվել է ոչ պիտանի զինվորական ծառայության համար ու հաշվառվել է պահեստագործ:

Դատարանը նախ փաստում է, որ 2003 թվականի ապրիլի 18-ին ընդունված ՀՀ քրեական օրենսգրքի հավելված 6-ի և 2021 թվականի մայիսի 5-ին ընդունված ՀՀ քրեական օրենսգրքի հավելված 1-ի համաձայն՝ 2003 թվականի ապրիլի 18-ին ընդունված ՀՀ քրեական օրենսգրքի 327-րդ հոդվածը նախատեսված չէ կոռուպցիոն հանցանքների ցանկում:

<sup>2</sup> Տե՛ս քրեական վարույթ, հատոր 3, թերթեր 38-44:

Բացի այդ, Դատարանն իր անհամաձայնությունն է արտահայտում Քեղարքունիքի մարզի առաջին արյանի ընդհանուր իրավասության դատարանի կողմից սույն քրեական վարույթն ըստ ընդդատության ուղարկելու մասին 2024 թվականի մարտի 12-ին կայացված որոշմամբ արտահայտված այն դիրքորոշմանը, որ Արտյուն Շահնազարյանին առաջադրված մեղադրանքը փաստական հանգամանքներով ուղղակիորեն կապված է ՀՀ հակակոռուպցիոն դատարանում քննվող թիվ ՀԿԴ2/0015/01/23 քրեական գործի և հարկապես մեղադրյալներ Քնարիկ Վոլոդյայի Սուքիասյանին և Անժիկ Գառնիկի Աբրահամյանին առաջադրված մեղադրանքների հետ: Դատարանի նման եզրահանգումը պայմանավորված է այն հանգամանքով, որ Արտյուն Շահնազարյանին մեղադրանք է առաջադրվել այն բանի համար, որ նա հանդիսանալով 2017թ. ձմեռային զորակոչին ենթակա զորակոչիկ, ցանկանալով խաբեությանը ազատվել պարտադիր ժամկետային զինվորական ծառայությունից, 2017 թվականի ձմեռային զորակոչից սկսած խաբեության եղանակով՝ այլ անձի մեզի նմուշ ներկայացնելով, նշված զորակոչից սկսած սրացել է տարկետումներ իսկ 29.12.2021թ.-ին ճանաչվել է ոչ պիտանի զինվորական ծառայության համար ու հաշվառվել է պահեստագոր, այսինքն՝ մեղադրյալին առաջադրված մեղադրանքում նկարագրված չեն այնպիսի փաստական հանգամանքներ, որոնք առնչվում են պաշտոնատար անձանց կողմից առանձնապես խոշոր չափերով կաշառք ստանալու, առանձնապես խոշոր չափերով կաշառք տալու, իրավունք վերապահող ակնհայտ կեղծ փաստաթուղթ պատրաստելու, իրացնելու և օգտագործելու դեպքերին, Արտյուն Շահնազարյանին չի մեղաազրվում որևէ անձի հետ հանցակցությանը արարքի կատարում, որի վերաբերյալ քննվում է առանձին վարույթ:

Դատարանը հարկ է համարում նաև նկատել, որ օրենսդիրը չի նախատեսել ընդհանուր իրավասության դատարանում և մասնագիտացված դատարանում քննվող քրեական վարույթների միացման ընթացակարգ, ուստի Դատարանը չի կարող վարույթ ընդունել և քննել ՀՀ հակակոռուպցիոն դատարանին ոչ ընդդատյա քրեական գործ՝ ելնելով միայն այն հանգամանքից, որ ՀՀ հակակոռուպցիոն դատարանի մեկ այլ դատավորի վարույթում քննվում է տվյալ վարույթին առնչվող այլ վարույթ: Ընդ որում, նույն դատարանի մեկից ավելի դատավորների մոտ գտնվող

վարույթները միացնելու հարցը լուծում է դատարանի նախագահը, ոչ թե ՀՀ հակակոռուպցիոն դատարանին ոչ ընդդարյա քրեական գործը վարույթ ընդունած դատավորը:

Վերոգրյալի հաշվառմամբ Դատարանը գտնում է, որ թիվ ՀԿԴ/0051/01/24 (ԳԴ1/0090/01/23) քրեական վարույթը ենթակա չէ ՀՀ հակակոռուպցիոն դատարանին՝ հաշվի առնելով, որ այն չի հանդիսանում ՀՀ քրեական օրենսգրքի հավելված N 1-ով նախատեսված կոռուպցիոն հանցանքի վերաբերյալ վարույթ (...)<sup>3</sup>:

8. 2023 թվականի մայիսի 22-ին Հակակոռուպցիոն դատարանը որոշում է կայացրել Քնարիկ Վոլոդյայի Սուբիասյանի վերաբերյալ ՀՀ քրեական օրենսգրքի 440-րդ հոդվածի 4-րդ մասով, 46-436-րդ հոդվածի 3-րդ մասի 2-րդ կետով և 2003 թվականի ապրիլի 18-ին ընդունված ՀՀ քրեական օրենսգրքի 34-38-327-րդ հոդվածի 2-րդ մասի 2-րդ կետով, Կարինե Ժորայի Սաֆարյանի վերաբերյալ ՀՀ քրեական օրենսգրքի 436-րդ հոդվածի 3-րդ մասի 2-րդ կետով, Անժիկ Գառնիկի Աբրահամյանի վերաբերյալ ՀՀ քրեական օրենսգրքի 436-րդ հոդվածի 3-րդ մասի 2-րդ կետով, Լիանա Զավենի Այվազյանի վերաբերյալ ՀՀ քրեական օրենսգրքի 436-րդ հոդվածի 3-րդ մասի 2-րդ կետով, Աննա Մովսեսի Ֆահրադյանի վերաբերյալ 2003 թվականի ապրիլի 18-ին ընդունված ՀՀ քրեական օրենսգրքի 312-րդ հոդվածի 2-րդ մասով, Հովհաննես Կոլյայի Մահլամյանի վերաբերյալ ՀՀ քրեական օրենսգրքի 436-րդ հոդվածի 2-րդ մասի 2-րդ կետով և Մարատ Մելիքի Գևորգյանի վերաբերյալ 2003 թվականի ապրիլի 18-ին ընդունված ՀՀ քրեական օրենսգրքի 34-327-րդ հոդվածի 2-րդ մասի 2-րդ կետով թիվ ՀԿԴ/2/0015/01/23 քրեական վարույթը ստանձնելու և նախնական դատալսումներ նշանակելու մասին<sup>4</sup>:

### **Սույն որոշման հիմնավորումները և եզրահանգումը.**

8. Սույն վարույթով բարձրացված իրավական հարցը հետևյալն է. հիմնավոր է արդյոք Գեղարքունիքի մարզի առաջին աստիանի ընդհանուր իրավասության

<sup>3</sup> Տե՛ս քրեական վարույթ, հատոր 3, թերթեր 56-60:

<sup>4</sup> Տե՛ս [www.datalex.am](http://www.datalex.am) Դատական տեղեկատվական համակարգ, թիվ ՀԿԴ/0232/01/23 քրեական վարույթը:



դատարանի հետևությունն այն մասին, որ թիվ ԳԴ1/0090/01/23 (ՀԿԴ/0051/01/24) քրեական վարույթն ընդդատյա է Հակակոռուպցիոն դատարանին:

9. ՀՀ Սահմանադրության 63-րդ հոդվածի 1-ին մասի համաձայն՝ *«Յուրաքանչյուր ոք ունի անկախ և անաչառ դատարանի կողմից իր գործի արդարացի, հրապարակային և ողջամիտ ժամկետում քննության իրավունք»:*

10. «Մարդու իրավունքների և հիմնարար ազատությունների պաշտպանության մասին» եվրոպական կոնվենցիայի 6-րդ հոդվածի 1-ին մասի համաձայն՝ *«Յուրաքանչյուր ոք, (...) նրան ներկայացված ցանկացած քրեական մեղադրանքի առնչությամբ, ունի օրենքի հիման վրա սրեղծված անկախ ու անաչառ դատարանի կողմից ողջամիտ ժամկետում արդարացի և հրապարակային դատաքննության իրավունք»:*

10.1. Մարդու իրավունքների եվրոպական դատարանը, *«օրենքի հիման վրա սրեղծված դատարան»* հասկացությունը մեկնաբանելիս նշել է. *«Այն երկրներում, որտեղ օրենքը կողիֆիկացված է, դատական համակարգի կազմակերպումը չի կարող թողնվել դատական մարմինների հայեցողությանը, սակայն դա չի նշանակում, որ դատարաններն օժտված չեն համապարասիսան ազգային օրենսդրությունը մեկնաբանելու որոշակի ազատությամբ»<sup>5</sup>:*

Մինևույն ժամանակ, դատարանի մատչելիության իրավունքի համատեքստում Մարդու իրավունքների եվրոպական դատարանը նշել է, որ. *«Ներպետական դատական արյանները դատավարական կանոնները կիրառելիս պետք է ձեռնպահ մնան դրանց չափազանցված ձևականացումից, որն իր ազդեցությունը կունենա դատավարության արդարացիության վրա»<sup>6</sup>:*

11. Վճռաբեկ դատարանը *Գևորգ Հարությունյանի* գործով իրավական դիրքորոշում է ձևավորել այն մասին, որ. *«(...) Գործերի պարշաճ ընդդարությունը, որպես արդար դատաքննության անհրաժեշտ բաղկացուցիչ, հիմնարար իրավական արժեք է: Դրա հիմնարար բնույթը բխում է արդար դատաքննության ինստիտուցիոնալ փարրից՝ անկախ, անկողմնակալ, իրավասու և օրենքի հիման վրա*

<sup>5</sup> Տե՛ս Մարդու իրավունքների եվրոպական դատարանի՝ *Gorgiladze v. Georgia* գործով 2009 թվականի հոկտեմբերի 20-ի վճիռը, գանգատ թիվ 4313/03, 69-րդ կետ:

<sup>6</sup> Տե՛ս Մարդու իրավունքների եվրոպական դատարանի՝ *Walchli v. France* գործով 2007 թվականի հուլիսի 26-ի վճիռը, գանգատ թիվ 35787/03, 29-րդ կետ:

արեղծված դարարան ապահովելու պետության պոզիտիվ պարտականությունից: Իսկ այդ պարտականությունն իր հերթին, ըստ էության, ամրագրված է Հայաստանի Հանրապետության իրավական համակարգում բարձրագույն իրավաբանական ուժ ունեցող այնպիսի նորմատիվ ակտերում, ինչպիսիք են ՀՀ Սահմանադրությունը (...), Քաղաքացիական և քաղաքական իրավունքների մասին միջազգային դաշնագիրը (14-րդ հոդված) և «Մարդու իրավունքների և հիմնարար ազատությունների պաշտպանության մասին» եվրոպական կոնվենցիան (6-րդ հոդված): (...)

Պատշաճ ընդդատության հիմնարար իրավական նշանակությունն այն է, որ յուրաքանչյուր կոնկրետ քրեական գործը քննող դարարանի որոշման հստակ կանոնների առկայությունը և դրանց կանխարեւելի գործադրումն անհրաժեշտ պայման են կողմնակի դիտորդի մոտ այնպիսի համոզմունք ձևավորելու համար, որ տվյալ կոնկրետ քրեական գործը քննող դարարանը և դատավորը նախարարամատչելիություն չունեն, և տվյալ գործը վարույթ ընդունելիս սուբյեկտիվիզմն ու կամայակայությունը բացառված են եղել:

Այսպիսով, քրեական գործերի ընդդատության որոշման հստակ, կամայականությունը բացառող կանոնների առկայությունը և գործադրումը պարտադիր նախապայման են արդարադատության մատչելիության պատշաճ երաշխավորման համար (...)<sup>7</sup>:

12. Վերոգրյալից հետևում է, որ ընդդատության կանոններն այն չափանիշներն են, որոնց հիման վրա որոշվում է, թե տվյալ գործով որ դատարանը պետք է իրականացնի արդարադատություն: Ընդդատության կանոնները կոչված են անձին զերծ պահելու դատական շրջապտույտից, որը կարող է առաջանալ, եթե դատարանները հրաժարվեն գործը վարույթ ընդունել՝ իրենց ընդդատյա չլինելու պատճառարանությամբ:

Ընդդատության ինստիտուտը հիմնարար նշանակություն ունեցող արժեք է, քանի որ այն անմիջականորեն կապված է անձի՝ օրենքի հիման վրա ստեղծված դատարանի կողմից իր գործի քննության իրավունքի հետ: Քրեական վարույթի

<sup>7</sup> Տե՛ս Վճռաբեկ դատարանի՝ *Գևորգ Հարությունյանի* գործով 2011 թվականի հուլիսի 13-ի թիվ ԵԿԴ/0211/01/10 որոշումը, կետեր 15-16:

մասնակիցների համար պետք է կանխատեսելի լինի, թե իրենց գործով որ դատարանը պետք է իրականացնի արդարադատություն:

Անհրաժեշտ է ընդգծել, որ վարույթն ըստ ընդդատության փոխանցելիս, չպետք է դրսևորվի չափազանց ձևական մոտեցում, և պետք է հաշվի առնվի նաև արդարադատության շահը:

13. ՀՀ քրեական դատավարության օրենսգրքի 260-րդ հոդվածի 1-ին մասի համաձայն՝ *«Մարզերի առաջին արյանի ընդհանուր իրավասության և Երևան քաղաքի առաջին արյանի ընդհանուր իրավասության քրեական դատարաններին (այսուհետ՝ առաջին արյանի ընդհանուր իրավասության դատարան) ընդդարյա են առաջին արյանի կարգով իրականացվող բոլոր վարույթները, բացառությամբ Հայաստանի Հանրապետության քրեական օրենսգրքի հավելված N 1-ով նախատեսված կոռուպցիոն հանցանքների վերաբերյալ վարույթների, որոնք ընդդարյա են հակակոռուպցիոն դատարանին»:*

ՀՀ քրեական դատավարության օրենսգրքի 263-րդ հոդվածի համաձայն՝ *«1. Նախնական դատալսումների ընթացքում պարզելով, որ տվյալ վարույթն ընդդարյա չէ իրեն, դատարանն այն որոշմամբ անհապաղ փոխանցում է ըստ ընդդարյության:*

(...)

5. *Վարույթն ըստ ընդդարյության սրացած հակակոռուպցիոն կամ առաջին արյանի ընդհանուր իրավասության դատարանը մինչև նախնական դատալսումներ նշանակելը եռօրյա ժամկետում որոշում է կայացնում վարույթը Վճռաբեկ դատարան ուղարկելու մասին, եթե համաձայն չէ դրա առարկայական ընդդարյությանը:*

(...)

8. *Սույն հոդվածի 5-րդ մասով նախատեսված դեպքում Վճռաբեկ դատարանի նախագահը, Վճռաբեկ դատարանի քրեական և հակակոռուպցիոն պալատների նախագահները վարույթը Վճռաբեկ դատարանում արանալու պահից տասնօրյա ժամկետում վերջնականապես լուծում են վարույթի առարկայական ընդդարյության հարցը՝ ընդհանուր թվի ձայների մեծամասնությամբ ընդունված որոշմամբ: Բովարկելիս ձեռնպահ մնալ չի թույլատրվում:*

9. *Սույն հոդվածով սահմանված կարգով որոշված դատարանը համարվում է իրավասու դատարան»:*

14. Սույն վարույթի նյութերի ուսումնասիրությունից երևում է, որ.

- Գեղարքունիքի մարզի առաջին ատյանի ընդհանուր իրավասության դատարանը որոշում է կայացրել վարույթը Հակակոռուպցիոն դատարան փոխանցելու մասին՝ փաստելով, որ թեև Արտյոն Շահնազարյանին 2003 թվականի ապրիլի 18-ին ընդունված ՀՀ քրեական օրենսգրքի 327-րդ հոդվածի 2-րդ մասի 2-րդ կետով ներկայացված մեղադրանքն ընդգրկված չէ ՀՀ քրեական օրենսգրքի հավելված N 1-ով նախատեսված կոռուպցիոն հանցանքների շարքում, սակայն այն փաստական հանգամանքներով ուղղակիորեն կապված է Հակակոռուպցիոն դատարանում քննվող թիվ ՀԿԴ2/0015/01/23 քրեական վարույթի հետ, հետևաբար պատշաճ և համակողմանի քննություն ապահովելու նպատակով, ելնելով արդարադատության շահից, մեղադրյալ Արտյոն Շահնազարյանի վերաբերյալ քրեական վարույթը պետք է միացվի Հակակոռուպցիոն դատարանում քննվող թիվ ՀԿԴ2/0015/01/23 քրեական վարույթին<sup>8</sup>:

- Հակակոռուպցիոն դատարանն արձանագրել է, որ Ա.Շահնազարյանին 2003 թվականի ապրիլի 18-ին ընդունված ՀՀ քրեական օրենսգրքի 327-րդ հոդվածի 2-րդ մասի 2-րդ կետով մեղսագրված ենթադրյալ հանցանքը չի հանդիսանում կոռուպցիոն բնույթի: Միաժամանակ Հակակոռուպցիոն դատարանն իր անհամաձայնությունն է հայտնել Գեղարքունիքի մարզի առաջին ատյանի ընդհանուր իրավասության դատարանի այն դատողությանը, որ Ա.Շահնազարյանին առաջադրված մեղադրանքը փաստական հանգամանքներով ուղղակիորեն կապված է Հակակոռուպցիոն դատարանում քննվող թիվ ՀԿԴ2/0015/01/23 քրեական վարույթի հետ<sup>9</sup>:

15. Նախորդ կետում մեջբերված փաստական հանգամանքները գնահատելով սույն որոշմամբ վկայակոչված իրավադրույթների և արտահայտված իրավական դիրքորոշումների լույսի ներքո՝ պետք է փաստել, որ սույն գործի նյութերի՝

<sup>8</sup> Տե՛ս սույն որոշման 6-րդ կետը:

<sup>9</sup> Տե՛ս սույն որոշման 7-րդ կետը:

մասնավորապես, մեղադրական եզրակացության<sup>10</sup> ուսումնասիրությունից հետևում է, որ Արտյոն Շահնագարյանի վերաբերյալ թիվ ԳԴ1/0090/01/23 (ՀԿԴ/0051/01/24) քրեական վարույթը, որն անջատված է տվյալ պահին Հակակոռուպցիոն դատարանում քննվող թիվ ՀԿԴ2/0015/01/23 քրեական վարույթից՝ Ա.Շահնագարյանի կողմից ՀՀ տարածքից բացակայելու հիմքով, փաստական հանգամանքներով անմիջականորեն կապված է Հակակոռուպցիոն դատարանում քննվող հիշյալ քրեական վարույթի՝ մասնավորապես մեղադրյալներ Քնարիկ Վոլոդյայի Սուքիասյանի և Անժիկ Գառնիկի Աբրահամյանի մեղադրանքների հետ:

Նման պայմաններում ընդունելի են Գեղարքունիքի մարզի առաջին ատյանի ընդհանուր իրավասության դատարանի այն դատողությունները, որ թիվ ԳԴ1/0090/01/23 և ՀԿԴ2/0015/01/23 քրեական վարույթներն իրարից անջատ քննվելու պարագայում չի բացառվում, որ նույն փաստական հանգամանքներով կարող են կայացվել երկու՝ իրար հակասող եզրափակիչ դատական ակտեր, ինչն էլ իր հերթին կարող է հանգեցնել անորոշության, վտանգել օրենքի առջև հավասարության սկզբունքը, ինչպես նաև իր ազդեցությունն ունենալ դատավարության արդարացիության՝ վարույթի պատշաճ և համակողմանի քննության վրա:

16. Վերոշարադրյալը հիմք է տալիս փաստելու, որ Գեղարքունիքի մարզի առաջին ատյանի ընդհանուր իրավասության դատարանի հետևությունն այն մասին, որ թիվ ԳԴ1/0090/01/23 (ՀԿԴ/0051/01/24) քրեական վարույթն ընդդատյա է Հակակոռուպցիոն դատարանին, հիմնավոր է:

17. Վերոգրյալի հիման վրա, ինչպես նաև, ելնելով արդարադատության շահի պաշտպանության և վարույթի արդարացիության ապահովման անհրաժեշտությունից՝ գտնում ենք, որ թիվ ԳԴ1/0090/01/23 (ՀԿԴ/0051/01/24) քրեական վարույթն ընդդատյա է Հակակոռուպցիոն դատարանին:

Ղեկավարվելով ՀՀ քրեական դատավարության օրենսգրքի 263-րդ հոդվածի 8-րդ մասով՝

<sup>10</sup> Տե՛ս քրեական վարույթ, հատոր 2, թերթեր 98-113:

## Ո Ր Ո Շ Ե Ց Ի Ն Ք

Արտյոն Հովհաննեսի Շահնազարյանի վերաբերյալ 2003 թվականի ապրիլի 18-ին ընդունված ՀՀ քրեական օրենսգրքի 327-րդ հոդվածի 2-րդ մասի 2-րդ կետով թիվ ԳԴ1/0090/01/23 (ՀԿԴ/0051/01/24) քրեական վարույթն ընդդաստյա է Հակակոռուպցիոն դատարանին:

**ՀՀ ՎՃՌԱԲԵԿ  
ԴԱՏԱՐԱՆԻ ՆԱԽԱԳԱՀ  
ԼԻԼԻԹ ԹԱԴԵՎՈՍՅԱՆ**

**ՀՀ ՎՃՌԱԲԵԿ  
ԴԱՏԱՐԱՆԻ ՔՐԵԱԿԱՆ  
ՊԱԼԱՏԻ ՆԱԽԱԳԱՀ  
ՀԱՄԼԵՏ ԱՍԱՏՐՅԱՆ**

**ՀՀ ՎՃՌԱԲԵԿ ԴԱՏԱՐԱՆԻ  
ՀԱԿԱԿՈՌՈՒՊՑԻՈՆ  
ՊԱԼԱՏԻ ՆԱԽԱԳԱՀ  
ԱՐԹՈՒՐ ԴԱՎԹՅԱՆ**